

Anpao Kin

THE DAYBREAK.

BUREAU OF
AMERICAN ETHNOLOGY
1900
LIBRARY

"Wankantarhan Anpao kin hiyounhipi."--Luke 1. 78.

VOL. XVI

FOREST CITY, SO. DAK., JANUARY, 1900.

NO. 8

ANPAO KIN.

REV. E. ASHLEY
REV. W. J. CLEVELAND } Editors

ANPAO KIN wi iyohina, wiyawapi anpetu tokaheya eca mazaakdirpeyapi.

WI XAKPE ou kapi, qa wi iyohina akezaptan (15) aokpani xni, ptayena partapi, wicacaje wanjina ekta hiyukiyapi kta cinpi kinhan, icupi kin iyohina kaxpapi wanji (10e) ou kajujupi kta.

WIXAKPE ou kapi, qa wi iyohina wanjina icupi kta cinpi kin, kaxpapi wanji sanm okise (15) ou kajujupi kta.

Icupi xni itokab kdajujupi kta.

Wowapi askabyapi maxaxana wanji qax nonpa owapi kin, mazaska eekiya. ANPAO KIN opetun okilipi kta.

Tuwa wowapi kagiu kte ca wowapi skasani el owa kta.

Opetupi kta wowapi hiyukiyapi qax ed taku oyakapi kta cinpi na hiyukiyapi ca, wowapi juha akand deced owapi kta.

REV. E. ASHLEY,
CHEYENNE RIVER AGENCY, S. D.

Yawaxteya Cajeyatapi Wowapi Wan.

ANPAO KIN icikoyagunyanpi qa wicoran wakte econ iyounpaxtakapi kta wookihi yuba. Okodakiciye-wakan opapi tka abehaya tipi kin, hena iyotan taokiye wakte heca kta. Bixop wan kin eciyatanhan, taku ecomon onxaxpa oyakapi qa taku bduotanin kta wachu kin hena owasin, qa tipiwakan iyaza omawant woyakapi kin hena, qa nakun Okodakiciye-wakan kin wotanin tawa tokiokeca ed kagapi kta. Oyate unkitawapi kin owasin ANPAO KIN icupi qa sanm wicaxa tokeca wicacupi nin ecanpi.

W. H. HARE,
Yewicaxipi Bixop

St. Louis ekta Yewicaxipi Omniciye kin

Oct. 24-26 qonhan, St. Louis, Mo. ekta Yewicaxipi omniciye (Missionary Council) kin he mniciyapi; anpetu inonpa, iyamni na itopa icunhan. Itokab Anpetu Wakan icunhan Tipi wakan wicemna nonpa sanpa topa yankapi kin, iyohila el Bishop hipi kin etanhan wahokonwicakiyapi. Wicokan sanpa qon tipi ikceya wan olotapi na Anpetu Wakan wayawa wakanheja kin himniciye wicaxi; yunkan koktopawinge yamni ecetu hipi. Lila owanyag wašte. Akapatnhan Wicaxa Wakan na wicaxa na winyan ota hel yankapi. Tiozinzapi cankel najinhan najinpi. Hona oyasin etan lowan obe skaska iglus hipi na timabel witaya najinpi na lowanpi. Otapi cankel lila hotanka ahiyayapi na wiciyokipi heca, Hel Wicaxa Wakan wan Mr. Duhring eciyapi wowicakiyaka, na hehan Mr. Ingle China makoce kin etanhan hi kin China oyate on wowicakiyaka; na hehan Bishop unkitawapi kin Lakota on wowicakiyake. Wanna htayetu

hehan oyate kin Tipi Wakan itancan kin he el mniciyapi na hel Wicaxa Wakan nom na Bishop wanji iawayapikapi hecapi lila tantanyan wahokonwicakiyapi na Yewicaxipi wicohan kin on iyowicapaštakapi.

Ho wanna anpetu inonpa hehan tokaheya Tipi Wakan Itancan kin el Wotapi wakan econpi na icunhan Bishop Dudley, Kentucky etanhan, wahokonwicakiyapi. Wicokan wotapi ohakab hehan Tipi Wakan wan St. Peter's eciyapi kin el omniciye kin he yuhlokapi. Htayetu nakun mniciyapi. Anpetu yamni kin na itopa kin yamniya mniciyapi. Iyunkan makoce oyasin el tukte Yewicaxipi wicohan econpi kin, United States el Wasicun, Hasapa na Ikcawicaxa egnax; China, Japan na Africa el; Porto Rico, Cuba, Hawaii na Philippine wita kin oyasin on wacajekiciyatapi. Porto Rico kin ekta Bishop wanji un kta e wanji kahniin na yuwakanpi kta iyececa yuštampi, nahan wita unma kin on wanji ololya yešipi kta wašte iyukanpi. Omniciye econpi kin le taku ota on wašte, tka taku wanji on iyotan hececa. Iyuha kinin Wani-kiya wašte kin he lila wacinyanpi ca tanin, na he eciyatanhan wicohan wašte iyopaštakapi kte cin he Jesus caje wicalapi kin on heconpi kta awacinpi. Bishop kin iyuha isnala mniciyapi na Japan makoce ekta Bishop inonpa wan el un kta e wanji kahniyapi na he Rev. Mr. Partridge eciyapi kin ee. He wanna waniyetu tona China makoce kin el Yewicaxipi kin on wowaši econ.

Cheyenne River Agency el omniciye wan teca lecala kagapi, December 13th he ehan. Eya Convocation etanhan unglipi lehanyan wicohan kin he on himniciyapi na iwoglakapi. Iyunkan December 1st ehantanhan qon tokel okolakiciye kin ecel iyayin kta e woope na oitancanpi kin kicigluštampi. Hecel le ihukuya woope kin na oitancanpi kin unkowapi, viz.:

Cheyenne River Agency Mini Wakan

Yatke šni Okolakiciye Woope kin.

1. CAJE KIN. Okolakiciye kin le "Okolakiciye Wakan on Mini Wakan Yatke šni Okolakiciye kin" eciyapi kta.

2. TAKU ON KAGAPI KIN. (1) Mini wakan yatkanpi kte šni;

na (2) Maka Itancan woope tawapi kin oholapi kta.

3. OPAPI KTE CIN. Wicaxa tuwa waniyetu ake šakpe na isanpa kin, opa okihi kta. Tuwa opekiyapi kta eca woičiconze kin le ogna ičiconskiyapi kta. "Miye, A. B. (cajeiglatapi kta), Wankantanka itokab, na omakiye cin eciyatanhan, mini wakan takuna blatkin kte šni; na tokel owakihi kinhan, wicaxa tokeca yatkanpi kte šni e wicawakuwa kta; na okolakiciye kin le woope tona tawa kin ohowala kta; nahan United States kin, na South Dakota State kin, wicawitko anaptapi kte cin on woope kagapi kin hena bluonihan kta ca mičiconza."

Tuwa wayazanke na pejihutayapi kte cin on Pejihuta Wicaxa yatke wicaxipi kinhan he hecetu.

Wanji opa kta hecetulapi kinhan, tuwa Ateyapi kin he ičiconskiyapin kta. Hel un šni kinhan Itancan kin he kiciyuštampi kta.

4. OITANCANPI KIN. Wowašna kaga kin tuwa Cheyenne River Mission awanyake cin he (Patron) Ateyapi kta. Itancan wan, Itancan okihe wan, Wowapi kaga wan, na Mazaska awanyaka wan yuhapi kta; na tokaheya kicicahniyapi ohakab, tona el opapi kin, wi icisakpe iyohila apiwicayapi kta.

5. OMNICIYE KIN. Wi iyohila woiyou eca Anpetu tokaheya kin, htayetu šakowin ape cin hehan omniciye eyotankin kta.

Omniciye oyasin el kiciyuonihanyan škanpi kta. Taku wanji iwoglakapi eca, tuwe hanskeya naiš ipaweli woglake hecinhan, Itancan kin anaptin kta e wookihi yuha kta.

6. WOKAJUJU,
7. WAPETOKECA.

(Le toketu kinhan tokeša opapi kin yuštampi kta.)

8. WOOPE APIYAPI. Woope kin lena apiyapi kta hecinhan wi iakenonpa omniciye kin ecela econpi kta, na okašpe yamni hecetulapi kinhan.

OMNICIYE OWECINHAN
WOECON

1. Wacekiyapi.
2. Cajewicaxatapi kta.
3. Hekta mniciyapi qon owapi kin he yawapi kta.
4. Tuwa opa kta cin el hi kinhan oglakiyapi kta.
5. Opewicayapi.
6. Koškalaka wawicaxipi qon oglakapi kta.

7. Sam wawicaxipi kin.
8. Taku toktokeca.
9. Enakiyapi.

OITANCANPI TOKAHEYA.

Rev. E. Ashley, Patron.
Henry Fielder, President.
Eugene Standing Bull, Vice-President.
Ralph Taylor, Secretary.
Joshua Crow, Treasurer.

Oct. na Nov. Anpao Kin el Convocation ekta mazaska ahi glepi oyakapi qon wanji yuštampi. Pine Ridge, Agency District, St. Barnabas' Station etanhan Dakota Wicaxa Wakan on \$5.00 nahan ataya Wotanin Wašte oyakapi kta on \$2.00 hel ahipeyapi, tka oyakapi šni.

OKOLAKICIYE WAKAN WOTANIN.

Bishop Potter icimani iyaye qon wanna Japan makoce ekta hiunni.

Nov. 10th qon Rev. W. L. Gravatt, West Virginia, obašpe el Bishop ookiye on yuwakanpi. Wicaxa Wakan kin le ciyeku kin tohinni Hampton ekta un na Lakota wakanheja, wocekiye on, awanwicayaka.

Rev. S. C. Partridge, tuwa St. Louis el Bishop mniciyapi qonhan, Kyoto, Japan el bishop un kta kahniyapi kin, he iyowiničiyin kta he oglaka.

Yewicaxipi omniciye (Board of Missions) el tehan Secretary itancan nicapi. Tona wicakahniyapi kin iyuha wicalapi šni, tka hecala lecala tuwa Rev. Arthur S. Lloyd eciyapi he kahniyapi na iyecuhcin hecetula. Hecel Dec. wi kin etanhan wicohan kin he wanna econ.

Hehan Mr. J. W. Wood, tuwa St. Andrew Sunkakiciyapi Wowapi kaga itancan kin, he Yewicaxipi on Corresponding Secretary kahniyapi qon, he tehan awiyukan un, tka lecala wanna wicohan kin he ieu kta ca oglaka, na is eya Dec. wi kin hetanhan wicohan tawa econ. Wowaši itancan nom teca yuhapi kin on etanhan iwaunšakapi kta iyececa, na iye škanpi kin icunhan wocekiye ewicunkiyapi na tokel unokihipi kin womnaye kin euntowanpi kta iyececa; kinhan anokatanhan wowašake kta.

Chicago obašpe kin el Bishop tawapi kin he wayazanke qon wanna akisni aya, na waniyetu kin le Porto Rico ekta yin kta na Okolakiciye wicohan kin he inghni awanyagšipi.

THE DAYBREAK

REV. E. ASHLEY
REV. W. J. CLEVELAND } Editors

THE DAYBREAK is published monthly in the interest of the Protestant Episcopal Church among the Sioux Indians of South Dakota.

The subscription is 30 cents per annum in advance and may be paid in one or two cent postage stamps.

Single subscriptions for six months, 15 cents.

Fifteen or more copies to one address for six months, 10 cents each.

All subscriptions and matter for publication should be addressed to

REV. E. ASHLEY,
Cheyenne River Agency, S. D.

Letter of Commendation.

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain my official notices and accounts of my official acts and visitations. I hope our people will take it and circulate it.

W. H. HARE,
Missionary Bishop

Entered at the Postoffice at Forest City, South Dakota, as second class matter.

Published at the office of the FOREST CITY PRESS, Forest City, S. D.

OKOLAKICIYE WAKAN WIYAWAPI.

January wi kin.

1. Circumcision-Bakildayapi Ska
6. Epiphany kin. Ska
7. Epiphany ohakab Anpetu Wakan tokaheya. Ska
14. Epiphany ohakab Anpetu Wakan inonpa. To
21. Epiphany ohakab Anpetu Wakan iyamni. To
25. St. Paul Yuhomnipi kin. Ska
28. Epiphany ohakab Anpetu Wakan itopa. To

Wotania-waste Ayapi On Wocekiye.

Anpetu iyohi wicokaya he cin ehan heyapi kta:

Wanikiya waste isto wacantkiya nitawa kdugad, canicipawega akan otkeyahan yaun tka qon, maka akan wicasa un kin owasin Niya ekta etonwanpi qa niwicayapi nunwe. Amen.

OKOLAKICIYE WAKAN WIWICAWANGAPI WAN.

Woonse Iwikcemna topa sanpa saglogan.—Anpetu Wakan yawapi—St. Andrew Taanpetu.

W. Yamnipi taanpetu kin etanhan, Advent Anpetu kin ehanyan, on taku eyepica he.

A. He omaka kin icunhan Christian wiconi eciyatanhan woecon kin hena Okolakiciye Wakan onspeunkiyapi kin hee.

W. Hecel wanna taku awauncinpi kta he.

A. Wahosiye Wakan tonipi kin eciyatanhan Anpetu Wakan yawapi kin hena, na St. Andrew Taanpetu he tokaheya.

W. Tokaca Okolakiciye Wakan

kin, Advent omaka kin el St. Andrew Taanpetu kin kiksuya he.

A. "Iye tokaheya Messiya iye-ye cin", na totkokeca Christ el awicahi kin heon.

W. St. Andrew tuwa ca tokaheya Christ el ahi he.

A. "He cincu Simon tokaheya iyeya" na Christ el ahi.

W. Henios tuwa cincapi he.

A. Galilee etanhan, hokuwa wicasa wan Jonas eciyapi, he cincapi.

W. St. Andrew tokel Wanikiya slolya he.

A. John Baptisma wicacu qon he Andrew waonspekiya tawa wanji, na anpetu wan Jesus hiyaye con, "Iho, Tacinca Wakan-tanka tawa kin he lee" eye cin he nañon.

W. He ehan Andrew taku econ he.

A. Takunni ape sni Christ ihakab iyaye.

W. Watohan Andrew na Simon Peter Wanikiya kin katinyan kici onyanpi he.

A. Le ohakab iecala, hokuwapi icunhan, he ehan Jesus "Miyagna u po, kinhan wicasa kuwapi kin cicigapi kta" hewicakiye, na hehan taku oyasin ayustanpi na ihakab yapi.

W. Mattheos Wico. 13 na oegle 47 el Okolakiciye Wakan kin he taku iyacinpi he.

A. "Ho ipate wan ble kin el iyohpeyapi, na ocaje oyasin etanhan mnaye cin", he iyececa.

W. Makoce tuktel St. Andrew wotanin waste oyaka he.

A. Scythia, na makoce ikiyela kin hel. Ohakab Epirus, Galatia na Achaia el hi keyapi.

W. Tuktel martyr heca icakija he.

A. Achaia makoce Patraea el, wotanin waste oyake con yuwicakin kta e towiconi ekignaka.

W. Bliheya wotanin waste oyake cin on Algeaus, Achaia el Itancan kin itokeca he.

A. Lila canze heca Lakaš kastake na icipaweh kta wicasi.

W. Tehan kakijin kta on tokel icipaweh ktep he.

A. He okatanpi sni tka wikan on icipawega el iyakaškapi.

W. Canicipawega tokel kagapi he.

A. He oowa wan X iyecel kagapi na heon St. Andrew Canicipawega tawa cajeyatapi.

W. Martyr ktep kin el tokel igluha he.

A. Cantewasteya na ohiya se, na canicipawega akan ioakije kin he wopila yawa.

W. Icipawega iyakaška yanke cin icunhan taku econ he.

A. Oyate waonspewicakiye, na fanhiya ta esa wahokonwicakiya.

W. Wacintankaya icakija kin on taku unkonspepi kta iyececa he.

A. Wicokakije na sicaya kuwapi waunkipapi ca el wacintankaya na katinsya unkiyuhapi kta, nahan Christ caje kin on unkiyuhapi kta kipiya unkiyawapi kin unkiyuskinpi kta iyececa.

Woonse Iwikcemna topa sanpa nacyiunka.

W. St. Thomas taanpetu kin watohantu he.

A. He December wi wiyawapi wikcemna nonpa sanpa wanji hehantu.

W. St. Thomas makoce na oyate tuktetanhan he.

A. Thomas, naiš Didymus eciyapi, he Juda wicasa heca, na Galilee etanhan naceca.

W. Taku wicohan yuha he. John 21:2, 3.

A. He hokuwa wicohan kin he.

W. Juda oyate, Jesus inyan on kininpi kta sni e Juda makoce ekta gnin kta waonspekiyapi iyokipi sni qon, he ehan St. Thomas tokel eya he.

A. "Ekta unyanpi, na kici un-
tapi kta ce" eye.

W. Iye on taku iyotan oyakapi he.

A. Wanikiya unkitawapi kini qon lila cetungla tka ohakab kiciyuwicakapi kin ee.

W. On yuwicakapi kta e tokel St. Thomas cin he.

A. Maza on nape el okatanpi qon wanyake sni, na napsukaza maza okatanpi el yutan sni, na Wanikiya cuwi el nape yeye sni kinhan wicala kta sni keya.

W. St. Thomas wocetungla tawa kin tokel Jesus yutokan he.

A. Anpetu Wakan iyokihe, St. Thomas el opa icunhan, Jesus waonspekiya tawa kin el taniniya, na Thomas tokel cin ekicicetu.

W. Jesus tokel wacantkiye wicoie heciya he.

A. "Thomas, ninapsukaza uye ca minape kin wankaya yo, na ninape kin uye na micuwi kin el oputkan yo, na wacetungla sni wicala yo" heya.

W. Thomas tokel ayupta he.

A. "Itancan mitawa, na Wakantanka mitawa" eya.

W. St. Thomas wacetungla qon etanhan taku waste yanka he.

A. He Christ kini qon wicaunlapi kta cin he, na Itancanunyanpi tancan yuha icipaweh okatanpi qon, tancan kin ee heca yuha kini kin he yuwicake cin ee.

W. St. Thomas tuktel wotanin waste oyaka he.

A. He Parthia el, na India makoce el Medes na Persia oyate ko, na hel wicohan tawa enakiya.

W. Hekta lecala se tohan kin on taku tanin he.

A. He Malabar makoce opapun kin ekta, Christian ospaye wan, Wicasa Wakan owe yamni, Wowapi Wakan, na Wakieozzapi yuhapi iyewicayapi, na Okolakiciye Wakan tawapi kin he St. Thomas kaga ce oglakapi.

W. Tuktel St. Thomas martyr ktep keyapi kin tuwa ekta hi he.

A. (Saglasa Okolakiciye etan) Bishop Heber eciyapi kin he, na "St. Thomas India el wotanin waste oyaka na otonwe wan Male-

apoor hel ktep, na tuktetu heca Wiyohiyantata Christian kin hena paha wan epazopi na St. Thomas paha tawa eyapi ece" he oyaka.

W. Tuwa ca kta wicakiya he.

A. Brahmin ospaye ewicakiyapi kin hena oyate na akioita ko ktep kta e wicayugnaškinyanpi.

W. St. Thomas toni kin on tuwa etanhan slolunyanpi he.

A. St. Chrysostom, Constanti-nople el Bishop un qon, nahan Gregory Nazianzan etanhan.

W. Christ wacinyanpi eyapi kin he taku he.

A. Christ wotanin waste tawa kin el Iye on taku tona oyakapi kin wicalapi kta cin, nahan Iye towašte na tookihi iwacinyanpi kta cin ee.

Wowapi wakan yawapi wawokiya.

NAHUM

1. Nahum (Wokicanpte) "Elkosi kin" he Elkosh, Galilee makoške kin etanhan, na Wowapi Wakan waonspekiye hunh wiyu-kecanpi eciyatanhan, otonwe wan Alkosh Mosul etanhan maka iyutapi wikcemna yamni eetu hee kecinpi. Hunh wiyukecanpi na tiyospaye wikcemna wayaka awicayapi ohakab, na Senakerib, tuwa Hezekiya Tipi Wakan woyuha kin on opekiron qon, nonpa watake hi kin iyokogna he ehan wokcan kecinpi. Toktokeca is, ohakab Manasseh, Amon na Josiah taanpetu B. C. 660-630 he ehan wokcan iyukecanpi.

2. Wokcanpi tawa itoketu kin. Watohan wokcan kaesa, he Jehowa etanhan wakicanpte iyecel hinape, na Senakerib tin kta, na Asur ihangyapi kta ca oyaka. Tawowapi kin he Jonah tawa iyokiheya se. Wanna Jonah Nineveh oyate kin woyasu tona akipapi kta cin iwaktawicaye, na iyopeiciyapi qon Wakantanka iwicakicu kin, he Nahum akta wicakiyatani. Wokcan tawa kin el taku wanjila cajeyata, Nineveh he ehan lila wasaka keš ihangyapi kta oyake cin hee. Israel na Juda kin on takunni eye sni se.

3. Wicasa wokcan kin tamakoce kin. Tona Elkosh na Alkosh he owanjila iyukecanpi kin, he Israel wicasa wan wayaka yuzapi qon he Nahum ateye kecinpi. Nineveh ihangyapi kta iapi on oyake cin, na tawowapi el Asur wicoie heca ilagye cin on, tuwa Asur makoce el un sni kinhan hecel ataninyan woyaka okihi kta sni eyapi. Toktokeca is, tawowapi imaheltuya na akantanhan wiyukecanpi kinhan, tuwa Palestine el onnye na woyaka eciupica eyapi.

4. Yuwitayapi kin. Jonah, Nineveh oyate waktawicaya qe-yaš ohakab woihani tani, woihite, waonsilapi sni, woyapi, na Wakantanka kipajinpi na wosteglapi kin ake econpi. He heon etanhan wicayasupi kta he Nahum yaotanin. Woihangye tawapi kiyela ihan, ohanko na ecel yujujupi kta keya. Wokcanpi tawa etanhan yamni ataninyan heca yanka; (1) Woyasu wan hi kta na etanhan Nineveh najica okihipi kta sni (Wico. 1); (2) Nineveh tokel azuyapi na hinlipayin na yujujupi kta cin, na iyayustag Tigris wakpa el ignu-
hayela minitan kta na woyujuju kin wawokiya kta (Wico. 2); (3) Ataya ihangyapi na iyokisilya ehpeyapi kta (Wico. 3). Ecel ihangyapi cankel lila atanin sni iyaye. Lakaš ohakab tuwa Alexander eciyapi zuya omani na el hi qe yaš siha ihukuya "woki-conze tanka wan hel ha yanke cin ataya slolye sni." Otonwe kin ioionpa wanyakapi sni, tka lecala se tuwa Bolta na Layard ewicakiyapi kin, hel oge škanpi kin on otonwe kin he woihangye tanka on yujujupi qon he yuata-ninpi.

Mini wakan tokayapi.

Fort Totten etanhan.

Anpao kin: Mitakoda waste, ake iapi tona miyeidaotanin kte do. Eya Fort Totten oyanke qen wicohan waste wanji unyuhapi qa hehta wanna omaka wanji hehan-yan unqonpi qeyas opapi kin wanjini woopu tawapi hdušicapi šni; qa Ateyapi oyanke qen omni-ciye unyuhapi qa woitancan api-kiyapi qon, Tamazakan hotanke, Itancan; John J. Hutotan, okihe; F. H. Blackshfeld, wowapi kaga; Mrs. Rose Bear, mazaska awan-yake; qa en Peter Bear, wowapi kaga; qa John P. Jack qa H. P. Two Bear, tiyopa awanyakapi. Wicohan nina waste do. Ho heon etan mitakodapi, tona wo-cekiye en sutaya nayajinpi ke-cannipi hecinhan, mini wakan kin he kokipi po, he šice do. Wicašta wan mini wakan yatke cinhan, tokaheya dote qa tezi iyahdeya yušice do. Qa tuwe yatke sa qon he tawacin oyasin lin hūhnaya ecee do; qa wicoi-eage tawa qon anakicipta ecee do; qa tuwe yatke sa qon iye atayena wicotawacin waste suta yuhe šni do; qa okahdeca qa osnaze ota ecee. Ehanna wašicun wan mini taga tipi wan a-wanyaka, unkan šunka wan yuba. Unkan šunka kin he mini taga manon yatkan canke šunka qon nina wiko canke, wicašta owasin papa qa yaštaka ecee, tka wicašta tawa qon he yuze qa kaška ehnake; unkan ake ihduške qa ake mini taga yatke qa hācen ni-na itomni; unkan peta wan en iyayeiciye, qa šunka kin he gu keyapi. Unkan hetanhan šunka kin he tohinui mini wakan yatke šni. Ho he iye šunka ees mini wakan yatke qa on kiunni unkan tohinui yatke šni do, tka unkiye wicašta ota heca unkisnipi ešta tohinui unkuštānpi unkošhipi šni. Tohan unyatkanpi qa ito-mniyan unqonpi eca dowan, pa-pa, ceya unkomani ecee. Tukte he uncinpi qa mazaša wanji iyu-soye ficin unkanapi keš, mini wakan iyopeunyanpi ecee do. Oyanke kin den hehta wehan ko-ška nom heca yatkanpi qa eca-hankeya unma te, qa unma niun ešta tehiya kakije do; išta ko wi-wanyake šni do. Hecen mini wakan taku tona yušice owasin obdake kte šni, tka nina šica. Nakun tuwe hece ceyas owasin kodawicawaye do. Mitakodapi, tona Episcopal St. Andrew's oya-papi owasin kokipa po, yuhēya-pa po, hanta po, he šice do. Nitakodapi wanji miye ye do. Napeciyuzapi ye do tona de wan-dakapi. Henry P. Twobear.

Greenwood, South Dakota, December 7th, 1899

Anpao:—Dakota ehan St. Andrew's Brotherhood on Provin-cial Chapter un kin hehta Convo-cation icinhan, Sept. 15th omni-ciye econpi, qa ed 1. Wowaho-

konkiye; Christ Tokiconze Yui-cagapi kin. Mr. Stephen Black-smith kaga. (Tawowapi kin he tokata untagapi kta. Anpao kin.)

September 16th ed ake mnici-yapi qa Rev. Goodteacher woce-kiye econ hehan itancan Rev. E. Ashley omniciye yugan, tona hipi wowapi kaga caje owicawa, hehan itancan oyanke etanhanhan wanjikji wokdag wicaši. Toka-heya Mr. Holmes he Isanyati ed unpi on wokdake qa eya tawoope-pi oknayan aupi ca opapi woka-juju he de omaka tanyan econpi tka ee omniciye tanyan okihipi šni keya. Hehan Ihanktonwan tipi ed unpi kin ed, oitancan, Mr. John Rondell, he is wokdaka qa toked okihipi ka škanpi keya, wayazanpi eced unpi qa wicahapi ed wawokiyapi qa taku hececa hena, qa nakun sanpa econpi nin ecin keya. Lower Brule etanhan is Clark Spottedbull wokdaka qa hed oyanke kiyuštapi qa eced nakun itancan tawapi kin te qa on omniciye econpi okihipi šni keya, tka heon umānpi kin aišici-yapi iyecetu keya. Cheyenne River etanhan is Rev. Ashley wokdaka qa wanna oyanke he tanka heced owasin ptaya mnici-yapi okihipi šni heon chapter 471 he etanhan yamni kiyuštapi qa Šunska, Canpawakpa, qa Owa-kpamni oyanke henakiya omulci-ye yuhapi qa ed oitancanpi ko wicayuhapi qa iknuhan šna pta-ya omniciye econpi ecee keya.

Taku wan on tanyan šni qon he dec, Guild qa B. C. U., unpi hena ee tka wana tanyan keya, qa opapi wokajuju nina tanyan econpi keya. Hehan Flandreau ed chapter cinpi tka toki iyayapi tanin šni, heon to Thomas Arrow wokdagši, unkan eya iyuteyaked škanpi qa oitancanpi ko wicayu-hapi qa tanyan ked škanpi keya qa wana opapi iyecetu da keya. Mr. Ashley he to Flandreau ed škanpi he wowapi wanji wicaqu-pi qa piwicakicidapi qa, "tokin ecana chapter unpi nin, qa wica-ša wakan tawapi owicakiya nin", eyapi kta cajeyata qa heced yu-štānpi.

Hehan manzaska awanyaka he Dakota Wicaša wakan on wo-mnanye toked yuha he okdagši, qa decetu, viz:—

Chapter No. 53, Santee Agen-cy, Nebr. etan.	\$.25
Chapter. 471, Cheyenne A-gency, S. D. etan.	10.00
Chap. 964 Lower Brule etan	1.35
" 1007 Pine Ridge "	.10
" 1301 Yankton "	5.70
	17.40

Manzaska awanyake cin he iye dena omniciye ed ekada kta yu-štānpi, qa on nakun committee wan wicakānigapi qa dena eepi; Mr. Goodteacher, Mr. John Ron-dell qa Mr. Redowl.

Hehan wana omaka de on oitancanpi hena apiwicayapi kta iyehantu, itancan keya, qa dena,

deced wicayūstanpi; Provincial Chapter on:—

Itancan, Rev. E. Ashley Itancan-Okihe, Louie Claymore Wowapi-Kaga, S. C. DeFond. Manzaska - Awanyaka, Clark Spottedbull.

Hehan Programme Committee wan unpi kta cajeyatapi qa he oitancanpi hena eepi qa Thos. Kitto hena keca, heca unpi kta wicayūstanpi.

Hehan tuwe wan chapter unpi kin iyaza omanin waste keyapi, tka Mr. Ashley he iye tawa keya, qa tokša awānkdkin kta keya.

Hehan hehta omaka nom wana Dakota Wicaša wakan on wa-mnanyanpi qa he ake heceknana ayapi kta yuštānpi.

Ake September 17th omniciye kta itancan keya qa dowanpi qa enakiyapi.

S. C. DeFond, Secretary

Sep. 17th Anpetu Wakan lita-yetu 7:30 P. M. ake Convocation tawakeya kin okna mniciyapi, qa Provincial chapter ed Itancan okihe kin he itancan yanka. Rev. Wm. Holmes wocekiye econ. Hehan wowapi kage kin hi šni, hecel inahni Rev. Joseph Good-teacher wowapi kaga enakapi. Hehan Program wan yuha škanpi qon he hehta mniciyapi qonhan tohan aipi kin he etanhan oekde iyamni kin he, "Tokaca wicaša wacekiye yapi šni he" hetanhan ayapi. Rev. Wm. Holmes deon wahokonwicakiye, na oyanke o-wasin ed wacekiyapi kin ed wica-pi kin ninahece wacekiyapi ed yapi šni, tka ohinniyan winyanpi kin ee wicokcota ipl ece keya, qa heon otakiya abdeza eša de lita-yetu kin wicota hipi šni kin on nomnakiyena deon cajeyatin kta keya. "Tokaca wicaša wacekiye yapi šni" kin wicunbapi kta ehan-tanhanš, tuwa Tipi wakan awan-yakapi kin hena nakun onge wieunbapi kte do; ecin Tipi wa-kan ed škanpi kin ota Okodakici-ye tawoecon kin ognayan econpi šni. Decetu, Anpetu Wakan wacekiyapi eca odowan tokecin-cin, wicaša odowan, Christmas odowan, hecekced kašniga, qa wocekiye hena hed unpi kta iye-hantu šni keš on wacekiye. Qa wowahokonkiye anpetu kin he un-kte cin abdeze šni, onspeiciye šni; Anpetu wakan owasin iapi wanjina on akikdekde wahokon-wicakiya; ocib onahon waste šni, qe heon wicaša ota ocib nahon kapinpi on ed yapi cinpi šni ecee. Ho heced "tokaca wicaša wace-kiyayapi šni" kin otakiya tuwa wan Tipi wakan ed škan kin heon ca ed yapi šni do, eye.

Inoipa kin. Tipi wakan iti-mahed takuku hiyeye cin wakna-wošnapi akašpe, petijanjan, can-akanyankapi, taku hececa timahed he cin hena ota wanna wanjetu ota unpi, wakna-wošnapi akašpe wan ehanqonhan he ša e unpi tka wanna tehan kin on stannahce,

qa enana kuke; qa petijanjan he-na dehan omaka iyohi se okage tokeca kagapi qa sanpa wašakana aye, hececa eša hehta wanijetu wikcemna akotanhan he ehan okage wan nina owanyag šica e ticokaya otkeya kdep; canakan-yankapi kin iyuha pšunpšun wa-heya, oyataške kin wapica šni, wicacaje ojuna owapi qa šapa, ho dececa kin on hena ota wicaša wanyag kapinpi on ed yapi kta cinpi šni ecee. Ho heced ito tuwe Tipi wakan ed škan kin qa Tipi wakan imahed taku he cin hena ohinni ed etonwanpi qa api-yapi kinhan heciyatanhan wicaša kin Tipi wakan ed yapi kta cinpi kte do, eya.

Hehan "Omniciye šni iyoko-gna opapi toked econpi kta iyeececa he", Rev. P. I. Philips iwokdake. Opapi kin otoiyohi mniciyapi šni iyoko kin ed taku wanji on wakta unpi kta iyeececa kin, wowayazan yukan hecinhan, naiš iknuhanna wicaša yuke cin-han hena ed wawokiyapi kta wakta unpi kta iyeececa. Taku dececa ota keš otoiyohi wakici-ktapi kin on takunni econ šni unpi ecee keye; heced taku kin dena ed wakicikta šni keš otoiyohi waeconpi kta waste keye.

Wowahokonkiye 2nd qa 4th. Inonpa kin he Rev. A. B. Clark on wahokonwicakiyin kta tka ed un šni heon, Rev. E. Ashley yu-sakib on wahokonwicakiye.

"Sunkakiciyapi kin qa Wowapi Wakan kin". Eya maka akan wicaša wotakuye kicicagapi-tako-dakiciyapi—eca hena ohinui kici-ksuyapi, kiciyuonihanpi qa aho-kicipapi ecee. He iyeced Wanikiya unkitawapi kin makata wicaša owasin kodawicaye kta qa wicotakuye kaga qa Okodakiciye Wakan ekde. Unkan tona he ed etanhanpi kecinpi owasin Wowahokiciye teca (Wowapi Wakan) kin yuhapi kta, he eciyatanhan on ohinni kiksuya unpi kta, qa kduonihanpi kta, qa heon wicaša wicakuwapi kte cin wipe unpi kte cin he ce, eye.

"Sunkakiciyapi qa Wocekiye wowapi kin". Okodakiciye Wa-kan kin ed taku owasin pahipi qa wocekiye wowapi kin ed eknaka-pi. Heced etanhan wicaša owa-sin taku cinpi onspepi okihipi. Heced wocekiye wowapi kin he Okodakiciye Wakan ed waonspe-kiye waste wan heca. Hececa eša wicaša wanjikji wocekiye wo-wapi kin he unpi kin hecetu šni ce eyapi ecee. Wocekiye wowa-pi unpi kta he hecetu šni ehan-tanhanš odowan wowapi unqonpi kin hena nakun hecetu šni ce, keye. Wocekiye woecon kin ehantanhan Juda oyate unpi, qa Jesus is eya makata un qon okna waecon e oyakapi. Heced Sun-kakiciyapi opapi owasin Woceki-ye wowapi he iknipi qa yuhapi kta iyeececa; qa iyotan Okodaki-ciye Wiwicawangapi kin he, he

wowacinye oakde kin ee seca kin on sutaya abdes onspeiciciyapi kta iyececa. Unkan hed abdeza-pi qa odepi kte cin, "Wodakota, Wowacinye, Woecon, Wocekiye qa Wakiconzapi" dena ee do, eye.

Iwokdakapi; "Oadetka omni-ciya econpi kin toked iyotan tanyan econpi kta he." Rev. Wm. Holmes tokaheya cajeyate. Oadetka otioyohi mniciyapi ocon kta woopé wanice kin heon hece-ca, e heced ito itancan kin omni-ciye ocon woopé wanji kagin kta iyececa keya. Mr. James Chap-man is cajeyate qa taku kin dena owasin toked ocon kin sdoniyapi esa mniciyapi eca otioyohi iapi on cakicipapa econpi ecee, heced na-kun itancan kin he woopé wan deced kaga esa he on omnicieye ocon iwaste kte cin ee sni wada ce eye. Mr. Alfred Smith is ake cajeyate qa iye kin de omaka tan-yan econ sni keye, heced omni-ciye tanyan sni hecinhan onspa iyo kaga keye. Ospaye eekced de-capi yukan hecinhan hena on omnicieye wasake sni qa tanyan ocon sni kin ee ce eye; qa nakun omnicieye otioyohi wicasa wanji-na akikdekde wocekiye econ, qais wowahokonkiye kin miye hena ocib tokawakiye sni cee; nakun wacekiya wai wanjikji wicasa wa-kan wan najin kin ee kaeš nakun awektonja ece do, eye. Ho heced ito, omnicieye econpi eca wanji itokto wocekiye qais wowaho-lronkiye ptekena eyapi waste ye do eye. Mr. Clark Spotted Bull cajeyate qa woecon qa wowiyu-kan ota akagapi esa toka sni, tka opapi hena otioyohi cante, tawa-cin apikiyapi kinhan he omni-ci-ye yuwaste kta wada ce, eye.

Hehan Rev. E. Ashley cajeyate qa omnicieye ocon kte cin wowa-pi sala kin el owa yanke lo, eye, tka taku on omnicieye iwaste sni kin, mniciyapi eca "Motion" ota kagapi, qa on wakinicapi ecee econpi, qa takuna iwaste sni ki-napapi, qa onge tawacin iyoyag-kiciyapi, dena on sanpa omnicieye tanyan sni ecee. Heced ito, mni-ci-yapi eca Sunkakiciyapi toope nonpa kin woecon woopé, qa wo-cekiye woopé, denis iwokdakapi qa on iyokicipaštakapi kta iyece-ca ce, eye.

Hehan "St. Andrew Sunkaki-ciyapi opapi kin wicohan tona okna ikduhapi kta iyececa he", he Rev. J. Goodteacher iwahokon-wicakiye. Wicasa tona Okoda-kicieye Wakan opapi kta eca Miniawicakaštampi qa wanna he-tanhan Wakantanka cinca hecapi kta wicakagapi, qa wanna hetan-han wakanšica qa tohan kin owa-sin, maka šice kin de ed taku woatakuni sni, qa wicacepi etanhan taku woštani cantihe-yapi kin hena owasin ešpeyapi kta e icicenzapi ecee. Heced betanhan tuwa etanhanpi kin (Jesus) he toked tohan qa ikduhe cin iyeced ikduhapi kta ašiciciyapi kta. Is iyeced St. Andrew Sun-kakiciyapi kin tuwo unkapi kin unkiš eya he tohan kin okna unkišduhapi kta iyececa. Sun-kakiciyapi opapi otioyohi mini wakan qa wacipi kin hena etan-han dohanyag ikduhapi kta iye-

ceca, qa ee Wowapi Wakan qa Wocekiye hena ohinni kiksuyapi kta iyececa ce, eye.

Hehan wowahokonkiye "Wi-picidapi womnaye he tukto okna econpi kinhan Provincial Chapter kin iwaste kta he" he Mr. S. C. DeFond he iwokdake kte kta tka hi sni heced Mr. A. C. Smith o-knayan takuku cajeyate. Ehako odowan wanji on dowanpi qa ena-kiyapi. J. Goodteacher, Acting Secretary

WOTANIN IKCEKA.

Dec. 5 ehan Tunkansilayapi, Wm. McKinley, waniyetu iyohi Wakiya Wicasa wowapi wicaqu kin (President's message) he Con-gress tomnicieye nupin el wicaki-ciyawapi. Wowapi lila hanska wicaqu; yunkan hekta Spanyo oyate ob unkielizapi qon etanhan Philippine wita ekta ikce oyate ota unpi kin wanji Tougals ewicaki-yapi kin ob lehanyan nahanlica unkielizapi icage cin he aiyotan-yan hanskeya cajeyata, yeša na-kun takuku iwoglake cin hena ota. Hena hunhinala pcepelyela unkielizapi kta heceglala un-kokihipi.

Tunkansilayapi tawomnaye. Hekta omaka icunhan takuku on tax kajuwicakiciyapi kin nahan nakun taku qeyas etanhan mazas-ka icupi kin hena oyasin kokiju-ya owapi kinhan, ataya \$610,982,004.35. Hecel yawapica sni ota mazaska icupi yeša icunhan yu-sotapi kin is sam iyeya ota. Le-nakeca keya oglaka, Tunkansila-yapi kin: \$700,093,564.02. Hecel icupi kin hena yusotapi kin \$89,111,359.69 henakeca aokpaniyan tanin.

Pecokanhanska oyate owe wan-ji, Japanese ewicakiciyapi kin, he-cta waniyetu conala ehanl kikta-pi selececa, yunkan lehantanhan taku oyasin on blihela škanpi. United States ob sanpa tanyan maza tokiyopekiciyapi kta wola-kota yuštampi nahan ake lecala Pacific Ocean ekta masiyapapi maza egnakapi kinhan he Phil-ippine wita lecala Spanyo oyate etanhan unkielipi qon hena etan-han iyoopta iyayi na iye tama-koce ekta iyagleya egnakapi kta lila cinpi. He Tunkansilayapi iyokipi keya.

Wita wanji Cuba eciyapi kin hel Milahanska oyate wowaši tanka icicagapi. Ioin wita kin he unyuhapi kta on unkielipi sni, tka ee tokel oyate, hel unpi kin tanyan tawaciciyapi na tamakoce šinsya gluhapi kta, ea onspewi-cunkiyapi na owicunkiyapi kta hee ca on Spanyo tehiya wicaku-wahanpi qon hetanhan habwicun-yanpi nahan Tunkansilayapi ta-akicita na tawowaši ota nakun hel onyewicunkiyapi. Cuban oyate onspewicakiciyapi kta hecela on, hel unwicacipi. Yeša wanna wicouncege tona wayaka se un-pi, na tuweni woonspe waste wi-caqu sni yelakaš lila hea onspepi sni na owaonspe telihipila hea, keyapi. Nakun Wotanin Waste hel tehan oyakapi nahan tipi-wakan ota, wicasa wakan ko, yu-hapi yeša woonspe wakan kin hena ee kayeš nakun tanyan wi-caqupi na inš tokel ogra tanyan

igluhapi kta iyececa onspewica-kiyapi sni.

Miniwanca taheatanhan, North America na South America nupin el, oyate toktokeca ota yukanpi kin hena oyasin hekta waniyetu wikcemna olakolkiciyapi wanji on sanpa tanyan okicicya škan okihipi kta yuštampi. Waniyetu henakeca wana iyuteya econpi yunkan tanyan inyanka selececa on ake letanhan hecena gluha iyayapi kta igluštampi. Interna-tional Union of Republics eciyapi.

Omaka 1901 hehanl New York makopašpe ogra, Buffalo otonwe kin heltu, wapazopi tanka hea kagapi kta ea Wakiya Wicasa tomnicieye iyowinwicakiya kin he Tunkansilayapi iyokipi keya. He Pan-American Exposition e-ciyapi kta, yunkan miniwanca ta-henatanhan makoco, America nu-pin, henala etanhanhan ekta ta-kuku ahipazopi kta yuštampi. Eya maka owancayatnhan wan-yag ahi kta yeša miniwanca koa-katanhan oyate kin wanjinr iyo-waja kte sni: America nupin el oyate hiyeye cin isnala tawapi kta. Buffalo he nahanlica otonwe lila tanka hea heca sni, na makoco iwanyakapi kin eciyatnhan co-kanyan he sni yeša takomni o-ksantanhan isnala oihunni waste selececa, nahan hel ikiyela wicasa pahayela ota tipi. Henala wica-yawapi yunkan canku ogra iyun-ke sni, anpetu wanjila omanipi yeša Buffalo ekta ihunipi okihipi kta iyececa kin 40,000,000 hena-kecapi keyapi.

Spanyo oyate ob unkielizapi sni itokab Tunkansila taakicita ataya 25,000 henakecapi kta wo-wasukiye yukan. Wokicize qon he etanhan United States kin mi-niwancata wita ota yuha na hena ektakta oyate yukanpi kin koya wicayuha kin on wowasukiye qon he yutokecapi yunkan akici-ta 65,000 kta woyowinkieyepi. Hena regular army ewicakiciyapi hecapi; tka ohinni makopašpe oyasin ognagna nakun wicasa ota iyecinkala ihan akicita oye icica-gapi yukan. Hena volunteer ar-my ewicakiciyapi. Spanyo ob unki-cizapi qonhanl ihan akicita opapi na kicizapi kin ekta yewicasipi qon 110,202 henakecapi, yunkan hena kicizapi el tanyan škanpi kin Tunkansilayapi kin lila yu-onihan cajewicayata.

Wita tankinkinyan na cikčika-la ko United States Spanyo oyate etanhan icu qon hena koktopa-winge sam iyaye na hena oyasin el oyate unpi kin iyuha ikce oy-ate ececapa. Hena wana ob oicihipi kta wicohan kin onspe-wicakiciyapi kta kuwa ayapi. Ta-ku on iwaste pi kta iyececa tanka wanji he wowapi tokšu wicohan Milahanska oyate lehanl tokel he yuhapi kin is eya iyecel yuhapi kta okihiwicaya waste, Tunkan-silayapi eya. Heconpi kta on United States etanhan wicasa wa-yupika Cuba, Porto Rico, Manila, Guam, Sulu wita Jolo wita owe kin, na Philippine wita owe ataya ektakta wicohan kin he awanya-kapi kta ea ekta yewicasipi. Hena otonwe tankinkinyan, ece el wowapi oyujuju tipi yuhapi kta yeša nakun oyate etanhan wi-caša kalniš onspewicakiciyapi kta: hecel on hena tokata otonwe ci-kčikala kin ektakta wowapi tokšu na yujujupi wicohan kin yuhapi kta.

Tunkansilayapi iyokihe wanji Secretary of the Navy eciyapi, Mimiwanca ekta okicize wata na heca ogra akicita wicohan yuhapi kin awanyake cin hee, he nakun okicize witawata 18 unyuhapi waste keya, yunkan Tunkansila-yapi is eya he hecetulaka keya. Ioin wana United States makoco ota anokatanhan miniwancata te-han yanka tawakiciyapi yunkan hena tanyan awanyakapi kta ea on wata heca ota unyuhapi kta iyececa iyukanpi.

Maste makoco, Indian Territo-ry, ekta Dawes Commission wan-iyetu tona oyate hel unpi kin ob woglakapanpi kin is ake Tunkan-silayapi woki akapi yunkan wana oyate topa tanyan ob gluštanpi keyapi. He hecetu kin on etan-han Tunkansilayapi Wakiya Wi-caša Tomuicieye heciya wakanheja tanyan onspewicakiciyapi kta ea on mazaska tanyan kipiya heyab e-gnakapi kta icowicakiciya.

Iakenonpa Milahanska oyate a-taya wicayawapi kta on wana ohankoya taku oyasin wiyeya o-gnag ayapi. Hekta waniyetu wikcemna itahena tokel oyate igluotapi hecinhan, he nahan ta-ku icahiyapi na kagapi na teca iyeyapi nainš wicohan, tona yu-hapi kin, hena oyasin el el tokel sam iyoopta iyaya, nainš hetka-kiya iyaya hecinhan, hena tanyan slolyapi kta on etanhan, ijehan, wicayawapi, census eciyapi kin, he eonpi.

United States makoco ogra wana oyate lila tanka icab aya; 70,000,000 wahacetupi. Canko tipi kagapi na takuku on wowin-lagyapi nainš aonpi kin on can yuke cin ohankoya glusol ayapi. Hececa lakaš tokel contanka yuke cin hena hunš kpatanpi kta wo-wasukiye kagapi. Wowasukiye heca on lehanl contanka ece woju iyutapi 40,000,000 sam iyeya ma-koco tuktaktel yuhayab kpatanpi kta egnakapi na tuweni hel can kaksin kte sni wasuyapi. Erabu-ko canon, Cal. na He Sapa ekta-cta heca Tunkansilayapi yuhe cin hena lecala yutankapi na letan-han ake sanpa blihela awanya-kapi kta yuštampi. Heca yuhapi kin ataya wikcemna yamni sanpa šakpe: ehake šakpe kin hena le-cala yuhayab egnakapi. Contan-ka yuhayab egnakapi kin hena egnagna makoco owoju waste yuke cin henala wiyopeyapi kta wasuyapi.

Wiyohpeyatanhan miniwancata, Pacific Ocean eciyapi kin, hel wita tona Hawaiian wita kin, hena, hekta waniyetu wanji wa-hehanl iyecinka United States o-papi cinpi yunkan United States wicalapi canke wana opapi. Tka is eya ota ikce oyate hecapi kin, on hena United States opawicun-yanpi kin eciyatnhan on ake hel wowaši wan tanka unkielicagapi. Unkiye tokel wowasukiye unyu-hapi kin is eya wana iyecel unpi kta onspewicunkiyapi kta iyece-ca; tka lila okuwa telika; tehan tokecincinyan igluhapi na wowa-sukiye icicahapi, nahan iounhan, Pecokanhanska na Saglasa oyate na oyate toktokeca ota iye tama-koce el ahitipi na oyate wan ehantanhan hel unpi kin ob icije-na unpi kin on etanhan hececa.